

Hakikat pandang

Oleh Wan Noorli Razali

mengisi ruang seluas pandangan
mengukur dalam tiada sempadan

berombak buih ke sisir
putih desiran nan menggulung
menghempas alur pantai

pasang dan surut nada seranjang
jernih renang dalam takungan
dijemput ke langit

dalam jemaah kepulan nan berarak
terurai dan terpisah
kembali membasahi bumi
dan pada kalanya kaku dan keras
sejuk tanpa nafas

dilihat tiada nyata didengar tiada suara
disentuh tiada rasa dicari tiada berjumpa

bukan rahsia dalam alam
hakikat pada jiwa bernyawa
menyatakan pena ukiran nama

rahmat pada mata hati
milik para pemikir yang luhur menerima
sungguh yang WUJUD hanya DIA